

MATILIN AN DALL

Breizis, va c'henvrois karet,
Hirio, siouas, me a zo koz
Nag a bet gwech e meus sonet
Da zansal en deiz hag an noz,
Ha mar plij gant santes Anna
E klevoc'h c'hoas var an dachen,
Son skiltruz va bombard velen
O lakat tud or Breiz da drida.

Iannik-ar-Japel, em c'hichen,
A c'hoari gant he viniou.
Dreist holl pa zun bord e veren
Evit souplat e vuzellou,
Nag hen a sko, lann va c'homper,
Gant he zounerezik lirzin...
Ha d'he heul pa sko Matilin
Eo mars gwelet penaos e fringer.

DISKAN

Me eo Matilin an dall
Ar bombarder laouen,
A laka'n dud da zanzal
Divar va barriken :
Eun taol sut ! ha souden
Potred skanv d'an abaden
Eur bom soun, ha raktal,
Paotred o fringal ! gê.

Bet oun e Paris, eun devez,
O sini diraz ar Roue
Hag hen kouls ha tud e balez,
Gant ar blijadur a c'hoarze,
A c'hoarze krenv, a c'hoarze pell
Hep gallout miret da c'hoarzin,
O klevout an dall Matilin
O tistaga toniou Breiz-Izel.

Iaouank e kollis ar gweled...
An eostik, ma lavarar mad,
A gan flouroc'h en e gaouet
Pa vez dallet e zaou lagad :
An dall a gaerik Kemperle,
E n'he lochen var ribl an dour,
Evel an eostik a zon flour
Etre an Izol hag an Elle.

Malo-Korred a Gear-Ahez,
Kenta grenadour a Vro-C'hall,
A veritas klevet ivez
Sounerez Matilin an dall ;
A dost, a bell e tiredet,
Da velet patroum ar soudard,
Ha da glevet mouez va bombard
O kana enor ar Vretoned.



Kals all a vije pinvidik
Ha ganin-me ne jom netra
Nemet isign va bombardik
Da c'hounid va zammik bara.
Met a ze pikol fors ne rann ;
Me zono keit ha ma vevin
Ha deiz, va maro ne gollin
Nemet va bombard ha va diskan.



J. QUÉRÉ.